



Scolas  
Breil/Brigels

## Lescha da scola communal

### Cuntegn:

I.	Disposiziuns generalas.....	2
II.	Persunas d'instrucziun.....	3
III.	Direcziun da scola.....	3
IV.	Cumissiun da scola.....	3
V.	Giurisdicziun.....	5
VI.	Disposiziun finala.....	5

## Lescha da scola dallas Scolas Breil/Brigels

Questa lescha che se basa sin i art. 20 dalla *Lescha davart las scolas popularas dil cantun Grischun* dils 21 da mars 2012 ei relaschada dalla Vischnaunca da Breil ils 14 d'avrel 2014, ed approvada dil Departament d'educaziun, cultura e promoziun digl ambient (tenor la *ordinaziun dalla lescha davart las scolas popularas dil cantun Grischun art.14*) ils 20 da matg 2014.

### I. Disposiziuns generalas

#### Art. 1

<sup>1</sup>La Vischnaunca da Breil meina ils suandonts scalems da scola:

Scalems da scola

- a) scalem da scoletta
- b) scalem primar
- c) scalem secundar I

<sup>2</sup>La frequentaziun dalla scoletta sa vegnir declarada obligatoria per affons da lungatg jester.

#### Art. 2

L'obligaziun dad ir a scola, il liug da scola sco era la frequentaziun gratuita sedrezzan tenor il dretg cantunal.

Obligaziun dad ir a scola,  
liug da scola,  
frequentaziun gratuita

#### Art. 3

La vischnaunca garantescha las uras da bloc prescettas dil cantun pil scalem da scoletta e pil scalem primar.

Uras da bloc

#### Art. 4

En cass da basegns porscha la vischnaunca structuradas dil di supplementaras.

Structuras dil di

#### Art. 5

<sup>1</sup>En cass da basegns sa la Vischnaunca da Breil porscher ulteriuras pusseivladads sco lavur sociala da scola ni purschidas da timeout.

Purschidas supplementaras

<sup>2</sup>Sche necessari procuran las instituziuns responsablas per la scola per purschidas specialas per scolars cun talents extraordinaris.

#### Art. 6

Per realisar mesiras dalla pedagogia speciala sil sector sempel (niederschwelliger Bereich) ei la vischnaunca responsabla per ordinari.

Purschida dalla pedagogia  
speciala

#### Art. 7

Il giudicament sco era la promoziun e la midada da scalem dallas scolaras e dils scolars vegnan fatgs tenor il dretg cantunal.

Giudicament, promoziun e  
midada dil scalem

## II. Persunas d'instrucziun

### Art. 8

<sup>1</sup>Las persunas d'instrucziun ein emploiadas dalla Vischnaunca da Breil.

Relaziun d'engaschament

<sup>2</sup>Observond il dretg cantunal vegn la relaziun d'engaschament dallas persunas d'instrucziun francada en in contract dil dretg public.

## III. Direcziun da scola

### Art. 9

La vischnaunca nominescha ina direcziun da scola.

Direcziun da scola

## IV. Cumissiun da scola

### Art. 10

<sup>1</sup>La Cumissiun da scola consista da tschun commembers, sco reglau egl art. 59 dalla *Constituziun dalla Vischnaunca da Breil*. Il cau dil Departament d'educaziun appartegn ex officio alla Cumissiun da scola e presidescha tala. Pigi auter constituescha la cumissiun sesezza cun eleger in vicepresident ed in actuar.

Organisaziun

<sup>2</sup>La Cumissiun da scola vegn concovada dalla presidenta ni dil president aschi savens sco las fatschentas pretendan, ni sche minimum dus commembers pretendan quei.

<sup>3</sup>Sche indicau sa la Cumissiun da scola envidar ulteriuras persunas allas sesidas.

<sup>4</sup>Davart las tractandas sto vegnir scret in protocol.

Protocol

### Art. 11

La Cumissiun da scola ei habla da decider sche dapli che la mesadad dallas commembras e dils commembers ein presents.

Habilitad da decider

### Art. 12

<sup>1</sup>La Cumissiun da scola meina e survigilescha la scola ed exequescha la legislaziun da scola cantunala e communal. Ella ademplescha tut las incumbensas sil sector dalla scola ch'ei in buc adossai ad in'otra autoritad ni ad in'otra instanza entras relaschs cantunals ni comunals.

Obligaziun e cumpetenzas

<sup>2</sup>Ella ha cunzun l'incumbensa da :

1. decider davart l'anticipaziun respectivamein davart la suspensiun dall'entschatta da scoletta e dalla scola (scalem primar);
2. decider davart la cuntinuaziun digl onn da scola en ina classa inferiura, sch'in affon ei surdumandaus;
3. decider davart il sursigliar ina classa;
4. decider davart purschidas supplementaras per affons da lungatg jester;

5. ordinar ed abolir mesiras dalla pedagogia speciala sil sectur sempel;
6. excluder in affon dalla scola duront il temps da scola obligatori;
7. decider davart la relaschada anticipada d'in affon sil pli baul suenter otg onns da scola obligatoris;
8. decider davart la frequentaziun d'ulteriurs onns da scola suenter il temps da scola obligatori;
9. excluder in affon dalla scola duront il temps da scola postobligatori;
10. decider davart la recepziun d'in affon d'in auter purtader da scola e fixar il daner da scola corrispundent;
11. fixar las vacanzas – cun excepziun dallas vacanzas d'atun e da Nadal – en entelgientscha ed en coordinaziun culs cussegls da scola dalla regiun, sco era declarar occurrenzas da scola specialas per obligatorias duront ils suentermiezdis libers ni las sondas;
12. relaschar in reglament davart absenzas e cungedis;
13. relaschar in uorden disciplinar;
14. engaschar e relaschar las personas d'instrucziun, il personal auxiliar ed igl ulteriur perunal da scola;
15. decider per mauns dalla suprastanza communal d'engaschar e relaschar la direcziun da scola ed il personal dil secretariat da scola;
16. relaschar in carnet d'obligaziuns per la direcziun da scola;
17. relaschar in reglament davart la formaziun supplementara e davart il cungedi da formaziun supplementara dallas personas d'instrucziun e dalla direcziun da scola;
18. punir falliments enviers igl art. 68 dalla lescha da scola cantunala;
19. decider davart il menaschi da scola quei che pertucca:
  - repartiziun dallas classas
  - pensums ed uraris
  - occurrenzas specialas ed jamnas da project
  - organisaziun dils transports
  - damondas d'absenza e cungedi;
20. suttametter ina proposta pertuccont il preventiv e las finanzas da scola per mauns dalla suprastanza communal, ed impunder ils mieds concedi;
21. visitar silmeins ina ga ad onn las scolas;
22. relaschar reglaments d'impurtonza en connex culla scola;
23. eleger il dentist/la dentista ed il miedi/la miedia da scola.

### Art. 13

<sup>1</sup>La presidenta resp. il president dalla Cumissiun da scola representa la Cumissiun da scola anoviars, prepara las fatschentas dalla Cumissiun da scola e procura per l'execuziun dils conclus decidi.

Presidi

<sup>2</sup>En cass urgents che pertuccan il camp da cumpetenzas dalla Cumissiun da scola pren la presidenta resp. il president las mesiras necessarias. La Cumissiun da scola decida definitivamein en caussa a caschun da sia proxima sesida.

## V. Giurisdicziun

### Art. 14

<sup>1</sup>Encunter disposiziuns ed encunter decisiuns dallas persunas d'instrucziun, dalla direcziun da scola e dalla presidenta resp. dil president dalla Cumissiun da scola sa vegnir fatg recuors tier la Cumissiun da scola enteifer 10 dis.

Via giudiziala

<sup>2</sup>Encunter disposiziuns ed encunter decisiuns dalla Cumissiun da scola che pertuccan fatgs da scola sa vegnir fatg recuors tier il Departament d'educaziun, cultura e protecziun digl ambient enteifer 10 dis, nun che la lescha cantunala da scola disponi enzatgei auter.

<sup>3</sup>Encunter decisiuns d'assignaziun negativas ed encunter disposiziuns concernent la numpromozion respectivamein la promozion sa vegnir fatg recuors tier igl Uffeci per la scola populara e dil sport enteifer 10 dis. Igl uffeci sa preveder ina procedura speciala per giudicar il recuors.

## VI. Disposiziun finala

### Art. 15

Quest Uorden da scola entra en vigur cun l'approbaziun entras il Cussegl da vischnaunca e cun l'approbaziun entras igl Uffeci per la scola populara e dil sport, e quei retrospectivamein cun ils 01-08-2013. El remplazza ils reglaments precedents.

Vigur

Approbau ella seduta dil Cussegl da vischnaunca dils 14-04-2019.

#### En num dil Cussegl da vischnaunca :

Il president : *Adrian Seiler*

La vicepresidente : *Marcus Brunner*

#### En num dalla suprastanza communal :

Il president : *Richard Caduff*

Il canzlist : *Curdin Cadonau*

#### En num dil Departament d'educaziun, cultura e protecziun digl ambient :

Approvò dal Departament d'educaziun, cultura e protecziun da l'ambient tenor disposiziun dal departament dals 20-05-2019

Il schef : *Martin Jäger*